

OMUKWETU

No. 20

Registered at the GPO as a Newspaper

15c

OMUKULUNTU GWEANGELOK TA POPI

Etameko lyoshilongatumo mevi lyetu, osha li oshinakugwanithwa oshidhigu. Opwa piti omimvo 110, aatumwa yotango sho ya thiki mevi lyetu. Ondi shi shi nawa kutya, ehistoli lyoshilongatumo mevi lyetu omu li shi mu vule ndje. Ihe kwathii ndje ngaa ndi tye sha, koshinima shika.

Aatumwa yotango oya kokola ondjila, noya tungu nuudhigu ontopa hoka tatu ende ko ngashingeyi. Opwa li iinima tayi kambakana pokati kawo naakwaniilwa yetu. Shimwe shomuyo osho, okufatululila nawa aakwaniilwa yetu kutya aatumwa kaye na nando elalakano lyokukutha po omapangelo gawo. Oshilonga shaatumwa osho okuuvitha nokutaandelitha evaangeli iyaKristus. Pamwe ou na epulo kutya omolwashike aakwaniilwa ya kwatwa kedhiladhilo lya tya ngawo. Eyamukulo olyo ndika: Poombala dhaakwaniilwa yetu opwa li wo hapu ya aalandithi aakwiilongo. Taa landitha iikunwa yoshiEuropa noondjembo wo.

Ihe hakulanditha ashike, oya li wo haakundathana naakwaniilwa kiinima yepangelo. Omathimbo gamwe oya londodha aakwaniilwa ya kale ya kotokela aatumwa. Oshoka aniwa aatumwa oye na omadhiladhilo gokukutha ko omapangelo gawo. Omalundilo ngoka aatumwa ye ga ningilwa kaanangeshefa mbe-yaka, oga etitha omalimbililo moomwenyo dhaakwaniilwa. Nolwindji pokati kaatumwa naakwaniilwa opwe ya okwaahauvathana. Ombepo ya tya ngeyi sigo onena omo yi li mutse aanangeshefa. Otatu fundju, otatu lundile nokupangelwa kefupa. Otwa pumbwa eshituluko.

Tala, elalakano lyaanangeshefa mbeyaka nando olya li lyuudha omatokolo guuwina; olya koleke omukumo gwaatumwa mukulonga nokugalikanena aakwaniilwa noshigwana shetu ashihe noshilongatumo shawo. Oya galikana Kalunga, opo a tonatithe omeho, ye a thitulule omakutsi goshigwana shetu ashihe. Kalunga okuuvu omagalikano gaantu ye. Nopasilohenda lye oshilongatumo osha tameke okuhuma nawa komeho. Iiyimati ya tameke okutoononwa mepyatumo.

Lwahugunina epyatumo lya ningi ongeleka tayi ipangele yoyene. Konena ndjika ongeleka yetu ELOK oyi na iilyo yi li 3000, 000 notayi wilikwa komumbisofi gumwe. Ongeleka yetu kayi shi oyamba yiimaliwa, ihe oyamba yoohapu dhaKalunga. Ongeleka yetu oya hala nokuhalelela okutopola uuyamba mbuka namboka kaaye u na. Ondjuulukwe yehalo lyokutopola uuyamba mbuka, oya adha elalakano lya yo.

Oshoka mongeleka omwa totwa omahanganotumo moongundu tadhi landula: Ehanganotumo lyaagundjuka, lyaailongi aakriste, lyaasitagongalo, lyaalongi, lyaapangi, lyaanangeshefa, moka ndi li oshilyo. Ehanganotumo lyaakiintu naalumentu, nehanganano lyaakongindjila. Elalakano lyomahanganano ngano, olyo okutopola nokufala evaangeli mpoka lya pumbiwa. Noha shi ningwa molupe lwetumo pashiholelwa shoka mwe tu pe.

Mongeleka yetu omu na wo aevangelithi mboka yi ipyakidhila noku uvithila apehe evangeli. Gumwe gwomuyo oye tate E. Angula ngaashi mu mu shi nawa, nomwa pulakana wo nale omauvitho ge sho e yile kune.

Ondjila oya pwa kukokola nontopa oya pwa okutungwa. Ihe natango opu nepulo. "Ondjila ndjino otayi endwa tuu nuupu"? Awe, onuudhigulela, nomatilitho ogendji nomahodhi wo. Natango opwa fa pu na yawe mboka taa lombwele aapangeli kutya omahanganotumo ngono oga hala okupiyaganeka epangelo. Ngaashi naanaa sha li ha shi ningwa kaalandithi mbeyaka nda hokolola petameko.

Ngaashi sha li petameko lyuukriste, osho shi li nopethimbo ndika, oongundu dhompilameno omo dhi li mongeleka nomomangongalo wo. Otadhi lalakanene shike? Elalakano lyadho, okumutika ongeleka yi mwene thilu. Ongundu yompilameno, oyi shi wike nedhina "ookristus aafundja Mat.24:23-26." Momadhiladhilo nomomatedhatedho ookristus aafundja, omu na ehalo lyoku uva onkundana yeso lyuukriste u se mo momagongalo.

Nopategameno lya a omakanakameno oya tega oku uva ewi lyongendjo yoosa nefumviko lyuukriste. Aamwatate, tu nyanukweni oshoka Kristus okwa sindana. Ongeleka ye opo tayi kala, nuukriste opo tau kala sigo ote ya.

"Tileni Kalunga, ne mu mu simaneke. Oshoka ethimbo lyepangulo lye olye ya, galikaneni omushiti gwegulu nogwevi nogwefuta nogwoothithiya dhomeya Ehololo 14:7; Pethimbo lyokuputuka kwandje, manga nda li mosikola yepatudho, otwa li hatu longwa mokambo kamwe ka nyolwa kugumwe gwomaatumwa yotango nedhina lyokambo. "OKAMBISHI" Mokambo heya omo nda lesa ehokololo lyomulandithi gumwe e yile pomballa yomukwaniilwa gwontumba ta landitha iinima ye. Omukwaniilwa

lwa sho a kundana kutya mombala ye, omu na omulandithi ta halitha okwe ya opo a tale shoka tashi landithwa, komunangeshefa omukwetu ngwiya. Osha li oshikumithi komukwaniilwa sho u ulukilwa iipindi yomulandithi ngwiya. Oshoka iipindi oya li owala okambapala ka nyolwa enyolo tali ti:

"Ashihe shoka to shi longo, shi longo noondunge ngoye u tale ngele oshoopala tuu." Omukwaniilwa okwa yolo owala a fa a dhina, ye ta pukapuka komutse. Okwa mwena ethimbo ele ye a tala menyolo ndiyaka, sigo a tameke okulesha: "Ashihe shoka to shi longo shi longo noondunge ngoye u tale ngele osho opala tuu." —Shoka to shi longo

Tala kep. 4



Omunganageshefa Leonard Mukwiilongo. Oshipopiwa shika okwe shi popile moshigongi shaanangeshefa Aasoomi.

OKUPULAKENA NOKUPULAKENATHANA

Okupalakena, unene okupulakenathana, oku li oshinima sha simana noshi na oshilonga monkalathano kehe yaantu. Shimwe shomomikundu ominene methimbo ndika lyetu, osho shika kutya aantu oya fa ya dhimbwa oshilonga nondilo yokupulakena nokupulakenathana.

Aasamane itaa pulakene aakulukadhi yawo naakulukadhi itaa pulakene aasamane yawo. Aaku'untu itaa pulakene oyana naanona itaa pulakene aakuluntu yawo. Aagandji yiilonga itaa pulakene aalongeli yawo naawiliki miimpungu yi ili noyi ili itaa pulakene aawilikwa yawo. Aapange-li itaa pulakene aaelwa yawo nosho tuu.

Eeno okupulakena nokupulakenathana oku li po taku ningi oshinima sha pumba noshidhigwelela monkalathano yonena. Onkee itashi kumitha ngele omwaalu gwaantu mbono ya piyagana momitsa otagu londo pombanda apehe muunyi. Miilongo yokUuninginino aantu oyendji ohaa yi esiku kehe kaahungimwenyo nokaatseyimwenyo nokufuta iimaliwa oyindji sigo R35-00 polumwe. Osho ngeyi taa ilandele ompito yokupulakenwa momaudhigu ngoka tage ya thindi pevi mokuka'amwenyo kwawo kwesiku kehe: Shika osha pewa edhina "epulakeno lya landwa." Omukundu gwokwaapulakenathana ogwa fa gu li po tagu indjipala nomosh'longo shetu wo notagu yono ombili nokalonawa yaantu oyendji.

Nokuli omolwoshinima shika shokwaapulakena nokwaapulakenathana, omukundu gwevi lyetu sigo onena ogwa nyengana okukanjulwa po. Omipopyo odhi li po odhindji naapopi oyendji mekwatathano noshinima shika shonakuyiwa yevi lyetu, iha kape na ngoka ta pulakene mukwawo. Aantu yomoshilongo muka oye na ehalo noya yuulukwa noonkondo okupewa ompito ya ulike nokuholelela uyuyuni auhe shoka ya hata naangoka ya hala a kale omupopihapu gwawo mevi ndika. Shika oya hala oku shi ninga mehogololo lya mangukuka nolyaayehe ndyoka tali tonatelwa kiigwana uyuyuni.

Ihe mboka ye na oonkondo moshinima shika, otaa tsikile ashike okupopya nokupopya yo itaa pulakene kewa lyoshigwana nongashi itaa pulakenathana yo yene. Shaa gumwe polwe ota kambadhala ashike ngaashi ta vulu okuhumitha komeho omalalakano ge nogongundu ye. Pamupopyo gwomokana shaa gumwe oti igidlia mokule kutya ye okulile po nota lalakanene uwanawa waakwashigwana, ihe moshinima shokupulakena nokwiiyutha kewa lyoshigwana, "Shipanga ota nyenge Nangolo." Nonkalo ya tya ngeyi yokwaatompola sha aakwashigwana oye li "monkugo yi na onkambe", notaa hepakwa nokweehamekwa pamalutu, pamweno nopambepo.

Epulo enene ndyoka lya thikamena Omunamibia kehe olyo ndika: Sigo uunake ehogololo lyaayehe lya mangukuka li li metonatelo lyiigwana uyuyuni li na okukalwa moshipala kwaamboka taa lalakanene nokukondjela ashike uwanawa wawo yene, yo itaa tala nande komahamo nokomaudhigu ngoka aantu yoshigwana ye na okuhumbata omolwokwaapulakenathana nokwaatokola iinima kwawo? Ombili otayi holoka po uunake? Uwanawa walye tau kondjelwa mokukandekela ompito yehogololo lyaayehe lya mangukuka?

Epulo lyaKalunga kukehe gumwe ngoka a pewa oonkondo miinima yevi ndika olyo naanaa ndyoka a pulile Kain kadam ta ti: "Omumwanyoko Abel oku li peni? Ondu uvu ewi lyombinzi ye tali kugile ndje mevi nonde ya okupula kutya omumwanyoko oku li peni?" Kalunga ketu oye Kalunga omupulakeni. Ngashika a li u uvu ewi lyombinzi ya Abel tayi kugu mevi, osho sigo onena otu uvu omawi ga tya ngaaka nota pula ngoka e shi ningi, omumwanyoko oku li peni? Oshoka ngele ohole yokuhola Kalunga nomuntu omukweni, palongo lyaJesus, oyo yi nokukala ehuku noshinima shotango mokukalathana kwetu aakriste, nena osha yela kutya okupulakenathana nokuuvathanako oku li wo oshitsa shopokati kutse atuhe. Oshoka omukwo ashike ohole yetu yokuhola Kalunga naantu aakwetu tayi monika notayi holoka puuyelee.

PREUS A HOGOLOLULUWA

David W. Preus, omupresidende gwOngeleka onkwaLuther yaAmerica, ndjoka yi na iilyo yi vule 2 300 000, okwa hogololululwa natango a kale omuwiliki gwOngeleka ndjiyaka uule woomvula 6 tadhi landula. Shika osha ningwa esiku eti 2 Oktoba 1980 moshigongingeleka shoka shOngeleka ndjoka "American Lutheran Church" (ALC), shoka sha li sha kala miipundi okuza 1-7 Oktoba nuumvo, moshilando Mineapolis Minnesota, moka mu na oombelewa dha ALC.

Omuwilikingeleka Preus okwa li gumwe gwomongundu yaasita 5 mboka ya li ookandidate mehogololo ndika. Okwa li a hogololwa moshikando oshitatatu nomawi 560 gomomawi 968 gaakwashigongingeleka mboka ye na ewi momatokolo. Pakotampango lya ALC, ehogololo ohali ende ngeyi: moshikando shotango omuhogololwa oku na okukala a mona 3/4 yomawi gaakwashigongi, opo a kale a pita mehogololo; moshikando oshitiyali okwa tegelelwa a mone ando 2/3 yomawi giilyo nomoshikando oshitatatu haku talwa ashike ngoka e na omawi ogendji ge vule gaya kwawo.

David Preus gwoomvula 58, okwa hogololelwe a ninge omupresidende gwopevi gwa ALC momumvo 1968, manga a li omusita gwegongalo limwe mu-Minneapolis. Preus okwa hogololelwe lwotango omupresidende gwa ALC, moshikando oshitiyali 1974. Ihe ye mwene okwa li a ningi omuwiliki gwa ALC momumvo 1973 sho omupresidende gwOngeleka ndjoka dr. Kent Knutson a li a kukilwa kuuvo wohaluka e ta mana oondjenda inaashi tegelelwa.

Omuprofesori Lloyd Svendsbye, omukuluntu gwOseminari yuusita yaLuther — Northwest muSt. Paul, Minnesota oye a nogololwa a kale omupresidende gwopevi omupe gwa ALC, sho dr. Fred W. Meuser, omukuluntu gwOseminari yuusita yaTrinity muColumbus Ohio, ngoka a kala moshilonga shika okuza 1974, i ikutha mo ye mwene mehogololo nolnaa zimina edhina lye li ye muukandidate.

Oshilonga shuupresidende wopevi mu ALC, kashi shi shethimbo, ndee ohashi longwa ashike kungoka e na oshilonga shilwe mongeleka ngaashi ta hogololwa kOshigongingeleka konima yoomvula 6 kehe.

OMAPULO GA YAMUKULWA

Epulo: Ongeleka yetu ELOC oya fa ya tala kutya oshipango oshitihamano osho owala omuntu ta yi mosikola yekuthilo, ihe omuntu a yaka nenge a yono iipango yilwe ita vulu okuya mosikola yekuthilo ndjoka mbela?

Eyamukulo: Kandi shiwo ouna etompelo lini kutya omuntu a yaka iha yi mosikola yekuthilo. Ihe shoka nda tseya osho shika kutya iipango yaKalunga ayihe oyi thike pamwe, ngoka a yaka ota vulu wo okuya mosikola yekuthilo naanaa ngaashi ngoka a yona oshipango oshitihamano. Oshinima oshi li ashike ngeyi kutya elelogongalo ngele inali tseya kutya nima okwa yaka. Ishewe ngiika aafuthi aashona kaa thike paayoni yoshipango oshitihamano no itaa dhimbululwa ku ayehe, osho wo aadhipagi, na yalwe. Ndishi aayoni yoshipango oshitihamano oye ndjiyendji. Kehe elelogongalo lyegongalo kehe mu ELOC oye li po omilongo nomilongo. Ngele omufuthi nenge omudhipagi nenge omulundili gwaambo ye li po oogumwe noogumwe megongalo lyaashi lyeni a tulwa mosikola yekuthilo oto mu mono peni. Ongeleka ya ELOC nomagongalo gayo oge na ngaaonzo nando hadhindji dhaamboka ya yono iipango yilwe ya tulwa moosikola dhekuthilo. Shila nandi ku pule wo ndi tye, omolwashike ano aantu oyendji taa yono oshipango shika oshitihamano sha fa osho ashike?

Epulo: Aakriste yopethimbo ndika pamwe otaa yono po yakwowo niikolitha?

Eyamukulo: Ilikolithaihayi iyenditha yoyene, ihe ohayi endithwa kaantu aakriste. Ihe aakriste oyo wo taa kumagidhathana okweetha iikolitha. Ano oshi li mondjila okutya aakriste yopethimbo ndika otaa yono po yakwowo niikolitha ihe oshi li wo ngeyi kutya aakriste yopethimbo ndika oya hala okukwatha ooyakwowo mokweetha iikolitha.

Omuyamukuli F. Ashipala

OKUPULAKENA NOKUPULAKENATHANA

Okupalakena, unene okupulakenathana, oku li oshinima sha simana noshi na oshilonga monkalathano kehe yaantu. Shimwe shomomikundu ominene methimbo ndika lyetu, osho shika kutya aantu oya fa ya dhimbwa oshilonga nondilo yokupulakena nokupulakenathana.

Aasamane itaa pulakene aakulukadhi yawo naakulukadhi itaa pulakene aasamane yawo. Aaku'untu itaa pulakene oyana naanona itaa pulakene aakuluntu yawo. Aagandji yiilonga itaa pulakene aalongeli yawo naawiliki miimpungu yi ili noyi ili itaa pulakene aawilikwa yawo. Aapangeli itaa pulakene aaelwa yawo nosho tuu.

Eeno okupulakena nokupulakenathana oku li po taku ningi oshinima sha pumba noshidhigwelela monkalathano yonena. Onkee itashi kumitha ngele omwaalu gwaantu mbono ya piyagana momitse otagu londo pombanda apehe muunyi. Miilongo yokUuninginino aantu oyendji ohaa yi esiku kehe kaahungimwenyo nokaatseyimwenyo nokufuta iimaliwa oyindji sigo R35-00 polumwe. Osho ngeyi taa ilandele ompito yokupulakenwa momaudhigu ngoka tage ya thindi pevi mokuka'amwenyo kwawo kwesiku kehe. Shika osha pewa edhina "epulakeno lya landwa." Omukundu gwokwaa pulakenathana ogwa fa gu li po tagu indjipala nomosh'longo shetu wo notagu yono ombili nokalonawa yaantu oyendji.

Nokuli omolwoshinima shika shokwaa pulakena nokwaa pulakenathana, omukundu gwevi lyetu sigo onena ogwa nyengana okukandulwa po. Omipopyo odhi li po odhindji naapopi oyendji mekwatathano noshinima shika shonakuyiwa yevi lyetu, iha kape na ngoka ta pulakene mukwawo. Aantu yomoshilongo muka oye na ehala noya yuulukwa roonkondo okupewa ompito ya ulike nokuholelela uuyuni auhe shoka ya hala naangoka ya hala a kale omupopihapu gwawo mevi ndika. Shika oya hala oku shi ninga mehogololo lya manguka nolyaayehe ndyoka tali tonatelwa kiigwana yuuyuni.

Ihe mboka ye na oonkondo moshinima shika, otaa tsikile ashike okupopya nokupopya yo itaa pulakene kwi lyoshigwana nongashi itaa pulakenathana yo yene. Shaa gumwe polwe ota kambadhala ashike ngaashi ta vulu okuhumitha komeho omalalakano ge nogongundu ye. Pamupopyo gwomokana shaa gumwe oti igidha mukule kutya ye okulile po nota lalakanene uwanawa waakwashigwana, ihe moshinima shokupulakena nokwiyutha kwi lyoshigwana, "Shipanga ota nyenge Nangolo." Nonkalo ya tya ngeyi yokwaa tompola sha aakwashigwana oye li "monkugo yi na onkambe", notaa hepakwa nokweehamekwa pamalutu, pamwenyo nopambepo.

Epulo enene ndyoka lya thikamena Omunamibia kehe olyo ndika: Sigo uunake ehogololo lyaayehe lya manguka li li metonatelo lyiigwana yuuyuni li na okukalwa moshipala kwaamboka taa lalakanene nokukondjela ashike uwanawa wawo yene, yo itaa tala nande komaehamo nokomaudhigu ngoka aantu yoshigwana ye na okuhumbata omolwokwaa pulakenathana nokwaatokola iinima kwawo? Ombili otayi holoka po uunake? Uwanawa walye tau kondjelwa mokukandekela ompito yehogololo lyaayehe lya manguka?

Epulo lyaKalunga kukehe gumwe ngoka a pewa oonkondo miinima yevi ndika olyo naanaa ndyoka a pulile Kain kadam ta ti: "Omumwanyoko Abel oku li peni? Ondu uvu ewi lyombinzi ye tali kugile ndje mevi nonde ya okupula kutya omumwanyoko oku li peni?" Kalunga ketu oye Kalunga omupulakeni. Ngashika a li u uvu ewi lyombinzi ya Abel tayi kugu mevi, osho sigo onena otu uvu omawi ga tya ngaaka nota pula ngoka e shi ningi, omumwanyoko oku li peni? Oshoka ngele oho'e yokuhola Kalunga nomuntu omukweni, palongo lyaJesus, oyo yi nokukala ehuku noshinima shotango mokukalathana kwetu aakriste, nena osha yela kutya okupulakenathana nokuuvathanako oku li wo oshitsa shopokati kutse atuhe. Oshoka omukwo ashike ohole yetu yokuhola Kalunga naantu aakwetu tayi monika notayi holoka puuyebele.

PREUS A HOGOLOLULUWA

David W. Preus, omupresidende gwOngeleka onkwaLuther yaAmerica, ndjoka yi na iilyo yi vule 2 300 000, okwa hogololululwa natango a kale omuwiliki gwOngeleka ndjiyaka uule woomvula 6 tadhi landula. Shika osha ningwa esiku eti 2 Oktoba 1980 moshigongingeleka shoka shOngeleka ndjoka "American Lutheran Church" (ALC), shoka sha li sha kala miipundi okuza 1-7 Oktoba numvo, moshilando Mineapolis Minnesota, moka mu na oombelewa dha ALC.

Omuwilikingeleka Preus okwa li gumwe gwomongundu yaasita 5 mboka ya li ookandidate mehogololo ndika. Okwa li a hogololwa moshikando oshititatu nomawi 560 gomomawi 968 gaakwashigongingeleka mboka ye na ewi momatokolo. Pakotampango lya ALC, ehogololo ohali ende ngeyi: moshikando shotango omuhogololwa oku na okukala a mona 3/4 yomawi gaakwashigongi, opo a kale a pita mehogololo; moshikando oshitiyali okwa tegelelwa a mone ando 2/3 yomawi giilyo nomoshikando oshititatu ohaku talwa ashike ngoka e na omawi ogendji ge vule gaya kwawo.

David Preus gwoomvula 58, okwa hogololelwe a ninge omupresidende gwopevi gwa ALC momumvo 1968, manga a li omusita gwegongalo ilmwe mu Minneapolis. Preus okwa hogololelwe lwotango omupresidende gwa ALC, moshikando oshitiyali 1974. Ihe ye mwene okwa li a ningi omuwiliki gwa ALC momumvo 1973 sho omupresidende gwOngeleka ndjoka dr. Kent Knutoson a li a akukilwa kuuvu wohaluka e ta mana oondjenda inaashi tegelelwa.

Omuprofesori Lloyd Svendsbye, omukuluntu gwOseminari yuusita yaLuther — Northwest muSt. Paul, Minnesota oye a hogololwa a kale omupresidende gwopevi omupe gwa ALC, sho dr. Fred W. Meuser, omukuluntu gwOseminari yuusita yaTrinity muColumbus Ohio, ngoka a kala moshilonga shika okuza 1974, i ikutha mo ye mwene mehogololo noinaa zimina edhina lye li ye muukandidate.

Oshilonga shupresidende wopevi mu ALC, kashi shi she-thimbo, ndee ohashi longwa ashike kungoka e na oshilonga shilwe mongeleka ngaashi ta hogololwa kOshigongingeleka konima yoomvula 6 kehe.

OMAPULO GA YAMUKULWA

Epulo: Ongeleka yetu ELOC oya fa ya tala kutya oshipango oshitihamano osho owala omuntu ta yi mosikola yekuthilo, ihe omuntu a yaka nenge a yono iipango yilwe ita vulu okuya mosikola yekuthilo ndjoka mbela?

Eyamukulo: Kandi shiwo unana etompelo lini kutya omuntu a yaka iha yi mosikola yekuthilo. Ihe shokanda tseya osho shika kutya iipango yaKalunga ayihe oyi thihe pamwe, ngoka a yaka ota vulu wo okuya mosikola yekuthilo naanaa ngaashi ngoka a yona oshipango oshitihamano. Oshinima oshi li ashike ngeyi kutya elelogongalo ngele inali tseya kutya nima okwa yaka. Ishewe ngiika aafuthi aashona kaa thihe paayoni yoshipango oshitihamano no itaa dhimbululwa ku ayehe, osho wo aadhipagi, na yalwe. Ndishi aayoni yoshipango oshitihamano oye ndjiyendji. Kehe elelogongalo lyegongalo kehe mu ELOC oye li po omilongo nomilongo. Ngele omufuthi nenge omudhipagi nenge omulundili gwaambo ye li po oogumwe noogumwe megongalo lyaashi lyeni a tulwa mosikola yekuthilo oto mu mono peni. Ongeleka ya ELOC nomagongalo gayo oge na ngaaonzapo nando hadhindji dhaamboka ya yono iipango yilwe ya tulwa moosikola dhekuthilo. Shila nandi ku pule wo ndi tye, omolwashike ano aantu oyendji taa yono oshipango shika oshitihamano sha fa osho ashike?

Epulo: Aakriste yopethimbo ndika pamwe otaa yono po yakwowo niikolitha?

Eyamukulo: Ikolithaihayi iyenditha yoyene, ihe ohayi endithwa kaantu aakriste. Ihe aakriste oyo wo taa kumagidhathana okweetha iikolitha. Ano oshi li mondjila okutya aakriste yopethimbo ndika otaa yono po yakwowo niikolitha ihe oshi li wo ngeyi kutya aakriste yopethimbo ndika oya hala okukwatha ooyakwawo mo-kweetha iikolitha.

Omuyamukuli F. Ashipala

Filadelfia limwe lyomomago ngalo gaheyali muAsia Eshona, ndyoka lya li monkalo ngashi tu li methimbo ndika. Uupyu nonkalo yalyo ongaashi naanaa to shi mono tashi niringwa moshilongo, momukunda, momagumbo, mosikola, mondjila nomiilonga yesiku kehe.

Uupyu nonyati yaakwiita yepangalo lyaaRoma, oya li ya tilitha aantu. Ohole yeliko nomalongelokalunga giifundja oya leme oitaali. Aantu oyendji oya shuna monima.

Egongalo ndika olya kala lya thikama moohapu nomeitaalo lya shili, oshoka Kalunga okwe li pa osheelo she eguluka. Egongalo ndika inali dhiginina owala oshapi, ihe olya holola w mokati kalyo ohole yuumwayinathana. (Filia = uumwayinathana na Adolfoia = ohole).

Uudhigu nuupyakadhi wiita inau eta etopoko kaakriste yokuFiladelfia. Jesus okwe ya patululula mo muukriste waa na eitedhululo lyashili. Kalunga mwene osho a hunganeke nale, "Ongame dha hala oku mu pa oshipatululo shegumbo lya-Davici." (Jes.22:22) Jesus Kristus ngele te egulula kaku na ngoka te edhile po, ngele te edhile po kaku na ngoka te egulula po.

Onda mono moVenduka ondjugo yimwe moka tamu longwa iipatululo yoludhi kehe. Ayehe mboka ya kanitha iipatululo yawo oko taa ka pula ekwatho.

Uunongo mbuka opo wa hulila mpoka ihe uunongo waKalunga owo owu uka nowoshili. Kristus oye oshipatululo shoka tashi gwana omweelo kehe. Ota gwana muudhigu wetu, meso lyetu, mekonjjo lyetu lyopalutu nolyopambepo. Ota gwana meitaalo lyetu, muulunde wetu, oye okwi itsike omauvu getu nokwe ga londeke komushigakano.

Aakriste mboka ya patululwa noye egululwa kuye, uukriste wawo otawu kala wa kola notaa ongo iilonga yaKalunga noku mwiimbila noomwenyo hanomilungu ashike. Methimbo lyuudhigu owindji kaku na owala eshunomonima, ihe oku na wo omapulo omawanawa nomadhigu. Omuluudhe gumwe Omuamerika siku limwe

okwa li a mono aatiligane taa thanga nokudhenga omuluudhe niitako yoondjembo noye mu umbile metoloko lyaakwiita. Okwa li u uvite ondungu nokwi ipula nokwiimba ta ti: "Ondi na okuninga shike ano opo ndi fe aantu aakwetu?"

Ondi shishi nawa nomokati ketu oku na wo mboka ye na epulo ndika. Meitaalo lyetu otu na wo epulo ndika, ondi na okuninga po shike opo ndi kale umukriste gwashili, opo ndi kale tandi dhiginine oohapu dhaKalunga nohole yuumwayinathana? Meitaalo lyetu katu na ondjila yilwe, Jesus Kristus oye awike ti, ngoka e tu egulula muupyakadhi auhe nokuya megongalo lye.



Omusita Junias V. Kaapanda

Kristus ota ti: "Dhiginina shoka u shi na waa yugwe nando okulye oshishani shoye. Ite-dhulula wo ngele ito shi ningi tandi ya e tandi ku kungu mo mokana kandje." Oshipatululo osho endhindhiliko lyoonkondo okulela nokupangela. Ayehe mboka ye mu taamba noye mwi itaala otaa lelwa kuye notaa pewa oonkondo okulyatela pevi omahindo nomahongololo gasatana osho wo omaumbanda nomatilitho agehe. Kristus wo oku uvaneke: "Nangame wo onda hala ndi ku hupithe nokukudhiginina methimbo ndyoka tali ya."

Egongalo lyopakriste olya alike tali piti muudhigu nomomahopeko notali thiki kethikilo lyalyo. Uuna to ka kala notandi ka kala nda nyolwa edhina lyaKalunga, lyaJerusalem oshipe

nedhina epe itali tseyika nando okulye, okomutaambi awike. Natu kale ano twa tungila komukanka gwaayapostoli-moka mwa kala Jesus Kristus emanya lyekuvu, mungoka etungo alihe tali kwatathana kumwe e tali koko, tali ningi otempeli ondjapuki omOmuwa.

Junias V. Kaapanda

METHIMBO TU LI MO INALI IYAKA KALUNGA

Aamwatate aaholike muJesus Kristus, noshigwana ashike oshiholike shaNamibia. Oshigwana sha sa enota nondjala yamanguluko. Onda dhimbulula kutya otashi vulika ndi kale nongunga, ngele omvula ndjika cya hulu ko inaa ndi mu kunda. Onkee ano kundweni, ne mu kale mu na ombili yaangu a li ko, noku li ko note ya.

Konyala nande inatu thika naanaa pehulilo lyomumvo, omurtu oto mono noto dhimbulula kutya omumvo 1980, ogwa li ngiini. Oyendji momumvo nguka twa kanithile mo ootate; oomeme, aamwameme, ookuum ketu nosho tuu. Na otwa tseyeni nawa kutya okomukalo guni twaa ya na we. Yamwe ya alukwa, omanga yamwe inaya ehama nande. Oyendji yomzaholike yetu oye edhililwa moondjedhililo. Ihe manga inaa ndi tsikila komeho, nandi ku pule manga. Owe ya galikanene lungapi

Ethimbo edhigu tu li mo, owe li fala koshipala shaKalunga lungapi? Aahepeki nayo owe ya dhimbulukwa tuu? "Hala omukweni, galikanena omuhepeki gwoye" Omanyolo omayapuki osho taga ti.

Shigwana shaNamibia, oshili ethimbo tu li na inali iyaka Kalunga nande. Oyendji otwa kanitha omukumo notwa tyololoka. Eeno shili, aantu otaa dhipagwa pamikalo dhi ili nodhi ili. Otaa edhililwa nopwaa na epangulo. Pamwe Kalunga okwe tu peni ethimbo lya tya ngeyi okutala EITAALO lyetu mpoka li thike, (oku mu itaala).

Natu taleni oshiholelwa koshigwana shalsrael. Osha kala muupika waahepeki (OoFarao) omimvo omilongo ne. Oshigwana shaKalunga kasha li mo nuupu muEgipiti, ngele tatu landula ondjokonona yasho mEstamendi Ekululu, nena otatu nono uyelele wa gwana. Lasha: (2Mos.1:13-22).

Ihe Kalunga mwene gwoshigwana oko a li nethimbo ndiyaka sho oshigwana she sha li muupyu. Ihe ine shi etha shi ka.e muupika aluheluhe. Landula sho a longitha aamati ye Moses naAron oku shi kutha muupika. Nonkene yende mombuga sigo okevi lyeuvaneko Kaanan. Tala sho sha li sha kalela efuta, manga sha landuwa kaaEgipiti (2Mos.14:1-31). Oshigwana shi na Kalunga kasho oshi na elago, nashi kale muudhigu. "Ithana ndje esiku lyuudhigu woye, ongame tandi ku kwatha, ngoye e to simaneke ndje. Otwe mu ithana tuu? Natu mu ithaneni ano. Mongundu, muuwike, momagumbo nosho tuu shaampoka. Okuye awike taku tu zile ekwatho Ps 121:2. Oshikwawo osho shono kutya uudhigu waa na Jesus, kau na esiku nau ka hula po.

Ano sho tu uka pehulilo lyomumvo, osho wo tu u ka pehulilo lyuuyuni. liningwanima ayihe tayi ningwa pethimbo ndino, oya hokololwa mOmbimbeli na otayi ulike kutya ethimbo olya tya ko (Mat.24:5-14) Miiningwanima ayihe tayi ningwa Jesus ota tumbula mwene movelise omulongo nandatu sho tat: "Ngoka ti idhidhimike sigo ehulilo oye ota hupithwa. Omuva oti ile egongalo lye nomuudhigu. Ote tu adha tu li ngiini?"

Pamwe ote tu adha twa fa aakadhona cmulongo. Ehala lyandje tandi inekele nolyoye wo, oku tu adha twa fa yatano yoolamba ndhika dhi na omahooli ano colamba dhetu dhomeitaalo nadhi kale dhu udha omahooli (Mat.25:1-13). Omulongo nandatu tayi ti: "Kaleni mwa tonata, oshoka inamu tseye esiku notundi.

Natu kaleni ano twa yogitheni congungu chetu mombinzi yonzigona, OSHOKA OTE YA MBALA.

Elifas Akudhenga

HAMUSHANGANDJAI A YELWA

Hamushangandjai w O r a a t a yEengeleka muNamibia (CCN), omufita Albertus Maasdorp, okwa yelwa nonghatu youndhotala wefimano koKoligi yoku-Augustana, Sioux Falls, muAmerika.

Omufita Maasdorp otai ku USA oku ka tambula onghatu yaye, oyo a pewa omolwekwafo laye mouteologi pefimbo a li meyakulo lOngongahangano yOvakwaluther, LWF, ongohamushanga omukwafi wahamushanga munene.

Dha za kep. 1

shi longa noondunge eee —Nopo ihe, omukwaniilwa okwa tokola okulanda po enyolo ndiyaka. Nokwa kala he li tumbula sho e li miipundi yuukwaniilwa we.

Esikulimwe omalenga ge oga ningi ompangela yomonguwi ga dhipage po omukwaniilwa ngwi-yaka. Omalenga oga futu elenga ekwawo ndyoka lya li ha li kulula oombenzi dhomukwaniilwa. Esiku lyanofu omukululu okwa tameke iilonga ye. Ihe manga a li ta dhiladhila onomukalo guni ta kutula omuligu gwomukwaniilwa noshimbele shoombenzi, okuuvu omukwaniilwa ti ipopile ta ti: "Ashihe shoka to shi longo shi longa noondunge ngoye u tale ngele oshoopala tuu. Elennga olya tameke okukakama, oshimbele no sha gwile pevi. Olya li lya tila shili noonkondo, li shi omukwaniilwa okwa tseya ompangela yalyo nayawawo.

Osho ngaaka enyolo ndiyaka lya landithwa komunangeshefa omukwetu, lya hupitha omwenyo gwomukwaniilwa. Nolya keelele elenga ndiyaka moshiponga shokudhipaga. Ondi inekela kutya ne iilyo yehanganotumo lyaanangeshefa aasoomi otamu nya-nyukwa pamwe nangame omlwenyolo ndiyaka lya zi mokofa yomunangeshefa omukwetu ngwi-yaka. Omukwaniilwa okwa longitha nawa enyolo lye ndyoka i ilandele. Sigo lya shituka evitho, lyu uvithilwa elenga ndiyaka lya taamba iimaliwa opo li dhipage po omuhona gwalyo. Momumvo 1963 mongundu yeni omwa zile omutumwa gweni. Okwa kutha okofa ye, e te ya koshilongo shetu. Shimwe shome-lalakano lyolweendo lwe okwe shi popi montaneho yandje, sho a tile: Onawa ngele aanangeshefa aakriste taa toto ehanganotumo lyawo mongeleka ya ELOK. Nokwa ningi omafatululo nomatseyitho nkene ehanganano lyeni lya totwa nokombinga yelalakano lya lyo. Opo ihe ehanganotumo lyetu lya totwa meti 20/6/1964 lya totelwa megumbo lyomutumwa Katau, A:Hartkainen, ngashingeyi onakusa Katau nombila ye otayi uvitha oshilongatumo momawendo gaNiipa.

Ehanganotumo olya totwa nomu na iilyo oyindji, ihe kashi shi oshilonga oshipu, opu na omaudhigu ogendji unene tuu pethimbo ndika lyiita mbyoka yi li moshilongo shetu. Ombinzi otayi tika. Aakiintu otaa ningi aaselekadhi, aanona otaa ningi oothigwa. Ite pumbwa okuninga efatululo lya sha ku ne aasoomi, oshoka emanguluko lyeni sho mwa kondjele oshilongo sheni,

olya indjipalaleke omwaalu gwaaselekadhi nogwoothigwa moshilongo ashihe.

Ngaashi Kalunga a pitika uupagani u hule mo moshilongo shetu, oshowo ta pitika iita yi hule ethimbo lye lyoku shi ninga ngele lya thiki. Oshoka oye tate ye iha nyengwa kusha. Onkee nomongeleka yetu otatu pandu-ia tate Kalunga molwesilohenda lye enene, sho e mu ningi oshilongitho unene tuu sho (1) mwa tumu omutumwa gweni tate M. Koponen (2) edhiko lyehanganotumo lyetu (3) oosipela dhuukwashilyo dha koleke ekwata-thano (4) ehiyo lyomuevangeli-thi tate E. Angula oshowo iini-ma yilwe yi nyanyudha mwe yi ningile ongeleka yetu. (5) osho mwa taamba ndje nokulongekidha omatsakaneno gi ili nogi ili. Ote simanekele Kalunga etalelo-po lyandje moshilongo sheni. Ehalo lyaKalunga nali gwani-thwe kombanda yeve ngashi hali gwanithwa megulu. Amushanga gwehangano tate E.Nurmi tangi kuume kokambo kehokololo lyiilonga yehanganotumo lyeni, hoka wa pele ndje eti 11/6/1980 omo nda mono kutya, ohamu gandja iimaliwa oyindji koshikandjo shokuevangeli-tha meni lyoshilongo sheni nokiilongo. Yakwetu omwi ihogololele ontumba ombwanawa itamu yi kuthwa. Nani "nEGALIKANO LYOMUNANGEHEFA" ndyoka lya totwa kugumwe gwomiilyo yehanganotumo lyetu, omo wo li li mokambo keni.

A SHASHWA ETI 18.9.80

Omufukiki omunene, a simana nokwa tseyika nawa nokwa mbyangambyanga oyendji mOmbalantu, Hiilwamo yaShondili, okwa shashelwa muunkundi mesiku lya tumbulwa. Ngashingeyi oye Selma yaShondili. Lombweleni, Aambalantu, Aangandjera, Aakwaluudhi nayalwe kutya ya kanitha kalunga kawo, Hiilwamo. Ihe Kristus a likola Selma yaShondili nombinzi ye. Aagalikaneni naalongi, shoka Jesus e shi tu lombwele, omwe shi tseyithila Namunganga, Hiilwamo yaShondili. Tsikileni natango oshilonga shOmuwa gweni, ngoka e li popepi. Aaleshi aaholike, tseyithile-ni oonakumbyangambyanga kutya ethimbo olya pwapo, naa taambe nena Kristus, e-liko lyaaluhe

Simson Ndatipo

EGONGALO LYA MIKKEL LYA PANDULA ELOK

Yaloo, ELOK, sho mwe tu longekidhile enyanyu li thike mpa moku tu tumina ongundu yasimana yaaimbi. Oya thiki kuMikkeli, oshilando shaandjetu esiku eti 16 lya Septemba potundi 10.30. Tangotango oya imbile omumbisofi gwoku-Mikkeli, tatekulu Kalevi Toivainen niilyo yepangelo lyoshitayingeleka. Omumbisofi Toivainen okwa popitha aayenda nokwa holola enyanyu lye enene mokutsakanena naatumwa ya ELOK.

Oshituthi shoshene osha ningwa ongulohi mongeleka. Aakwanegongalo oyendji oya gongala okupulakena oondjimbo dhoopala. Meme Aune Hirvonen, okwa fatulula oohapu dhoondjimbo melaka lyetu noshogeyi aapulakeni oya pewa cyambeko lyoohapu dhomaimbilo haeopalo lyomawi alike. Oonguwo dhawo dhoopala odhe tu nyanyudha wo. Omusita, tate Hosea Nampala okwe tu popitha noohapu dhaKalunga nokwe tu etele ekundo lya ELOK. Tate Seppo Löyty okwa li "speaker" moshituthi nokwa pandula aayenda aaholike nokwe ya halele eyambeko negameno alihe lyaTate Kalunga ketu.

Ongalo ooranda 740 oyu unbwawo moshituthi shoka, (koshiketha shomusika shaELOK). Oondjimbo odha tulwa mongodhi opo tu wape oku dhi pulakena noku mu dhimbulukwa momagalikano.

Yaloo, Kalunga na hambelelwe shili: "Otu na ehanganano poka-ti ketu." 1Joh.1:7, Nenyanyu nondjuulukwe,

Elli Lokka

EHOKOLOLO LYOMUMVO LYA AAKONGINDJILAKADHONA 1.7.1979-30.6.1980

Okukoka kwehangano

Ngashi shito nomomumvo nguka okwa humwa wo komeho. Okwa totwa omatanga gane. Okatayi kaNakayale oka koko sho mwa totwa omatanga gaali. KONayena wo okwa gwedhelwa etanga lyoontetango osho wo mokatayi Ongwediva omwa gwedhelwa etanga lyoontetango dhokEndola. Oku na ngashingeyi iilyo 1045 momatanga 49 taga longo muutayi 17. Omatanga agehe oge na ekwatathano nomogongalo ga ELOK 23, kakele ketanga lyomosekundo yaKahao.

Aanashilonga

Omukuntuwiliki gwoshitayi Raija Salmi okwa tsikile natango nompito ndjoka a pewa kEpa-ngelongeleka opo a longe miilonga mbika omumvo aguhe. Amushanga gwoshitayi Viktoria Shituula ye oye omudhiginini gwiniwe oya kwathathana nomuwiliki. Oku na wo aayakuli yalwe kOshatotwa nokOngwediva.

Iiningwanima

Oontetango - oyo ongundu yaashuushuuka mehangano yomimvo 7-11. Ohaa kala miigongi yawo lumwe moshiwike konima yootundi dhosikola. Ohaa ipyakhidhile nomakonakonodheulo, o-maudhano, iilonga yiikaha nolwiimbo. Oya li nethigathano lyawo kOshatotwa 5-7.10.79.

Aakongindjilakadhona - ndjika oyo onkatu ontialyali, yomimvo 11-16. Omatanga gawo oge li 22 mu na iilyo 495. Omakonakonodheulo oga kwatela mo eyakulo, uukalinawa, uunkulungu, oondunge nowino yokuwilika. Oya li ya ningi ethigathano kOshatotwa eti 3-5.8.1979 moka mwa li aawiliki 18 naakongindjilakadhona 65.

Aayendindjilakadhona - oyo onkatu yaagundjuka yomimvo 15-20. Omatanga gawo oge li 9 niilyo 150. Omakonakonono gawo oga dhiladhililwa omuthika gawo ongaagundjuka nokuhohela eyakulo lyawo. Mbaka oya gongalele natango kOshatotwa 31.8.-2.9.79. Okwa ningwa wo omaputudho gaawiliki gi li nogi li.

Oshinenenima miiningwanima yonuumvo osho oshituthi sheegululo lyomatungo omape mOngwediva eti 19-20.4.1980. Omwa li aantu ye li lwopo 700. Otatu pandula noonkondo omuwiliki gwetu omukuluntu meme Medea Hussey wokuPretoria sho e tu etele meme Lady Price, omuwilikihapu gwewilikongundu lyongongahanganano yaakongindjilakadhona muuyuni auhe a zi ku-Austraria, noshu wo omupehawiliki gwoshikandjo shetu mu-Namibia meme Elke Kreft a zi kOvenduka. Lady Price oye a li a egulula omatungo.

Oontanda noopikiniki

Omoluudhigu wethimbo ndika nompito yokuninga oontanda ngashi sha pumbiwa oya kana. Okwa ningwa owala oontanda mbali nopikiniki yimwe. Ontanda yotango oya li kOnkurenkuru kOkavango hoka wo kwa aingilwa opikiniki, notanda ontialyali oya li kOshatotwa kOndanjokwe.

Tala kep. 5



Ilongayakulo

Omatanga oga yakula ngashi okritsila aakulupe noku ya opalekela omagumbo gawo oshowo okuyoga, okweeta omeya noku-longa momapya gawo. Omata-nga gamwe oga opaleke oon-geleka. Miituthi yuudiakoni moma-gongalo gamwe oya kwatha momalongekidho nomomatopolo giikulya.

EPUTUDHO LYOPAKRISTE

Miigongi yetu ohatu kambadhala okweeta eputudho lyopakriste pamikalo dhi ili nodhi ili moku-kalumwenyo kwetu ngashi okudhiginina oowandaha, ootundi-mbimbeli, omagalikanothimbo, omalongelokalunga nUulalelo Uuyapuki nokukumagidha iilyo yetu yi dhiginine iilonga yopambepo momagongalo gawo.

Ependulo

Ependulo lyetu otatu li gandja kuKalunga ngoka a enditha iinima yetu ayihe. Aakuluntuwili-ki naawiliki amuhe otamu pandulilwa ashihe shoka mwa ngingi momumvo nguka. Aawiliki-napu nookuume amuhe oonkam-badhala ndhoka mwa holola po otashi ulike eitulemo lyeni, opo aanona ya kwathwe manga aashona, yo ya ninge oshigwana sha penduka. Amuhe mboka mwe tu palutha noohapu dhaKa-lunga noshowo mboka mwe tu yakula miinima yi ili noyi ili cwe mu pandula.

Otatu ka tsikila iilonga yetu nomafaneko gehumokomeho nomukumo nuuladhi kekwalatho lyOmusita gwetu Omwaanawa. Otwa tseya otu na aagalikaneni oyendji. Natu ilongeni okudhiginina ayihe mbyoka Omusita gwetu e tu lombwela.

OVAKWALUTHER VA ONGALA MURUSSIA

Ovakalelipo vEengeleka Eenghwaluther muEuropa ova ongalele lwotete muRussia, 17.29.9.80, Moshongalele omu ova holola kutya ovakriste vokOushilo novokOutokelo otava dulu okukwafa mokweeta ombili mokuulika oumbangi moukumwe. Oshongalele osha vilikila kutya ongeleka oya taalalwa kokunaipala koukwatya wopaiwana netilifo mekwatafano nombili younyuni, noi na okukwafa okutula yo elinekelafano pokati koiwana. Ene-nediladilo ile oteema yoshongalele e shi oya li "EUDIFO LEVAANGELI NENA."

Oshongalele eshi osha li sha ongala moshilando shedhina Tallina muEstonia. Okalongo aka Estonia pamwe noulongo vakwao vavali Latvia naLithuania aveshe paife ove li koshi yepangelo lovaRussia. Otaku tengenekwa kutya omuvalu wOvakwaluther moulongo omu ou fike po 600 000.

Konima yoshongalele eshi, hamushanga munene wOngongahangano yOvakwaluther, dr. Carl Mau noonakweenda pamwe naye ova talela po oilando imwe muAsia lOpokati ngaashi: Tselinograd, Karaganda, Fruze naAlma Ata muRussia ngoo. Osheendo eshi osha hokolola onghalo moma-ongalo omuAsia lOpokati, kutya oku na ondjala yeendjovo daKalunga noukumwe. Omaongalo okuhole okwiimba ndee otaa hepekwa koluhepo lomambo omaimbilo. Ohava kwatelwa komesho kovawiliki veengudulwiimbo ile omufita a leshe omukweyo nomukweyo weimbilo ile eimbilo li shangwe nomake.

Okwa li kwa teelwa oshikepa mu na eembibeli 5 000 dOshindowishi i fike diva koma-ongalo aa. Osheendo eshi osha kala momalongelokalunga 16 moule womafiku 12. Ova kala yo meyapulo lovafita, moivilohombolo 2 nomeshasho lounona 23. Manga ve li muAsia, ovakalelipo ava ova li va kundafana nongeleka yoOrthodox, oBaptist noyoAdventi. Ova li yo va shakana meenghundafana novakwanepangelo laRussia kombinga yelongelokalunga. Moitukulwa omu omu na Ovakwaluther ve li lwopo 200 000.

Elongelokalunga la pita mo Mondjila tava ka ya mo Va finda ngeno moshilongo, Va ka fike ngeno mOwambo

Oipala tai vadima, Moku va minika otwa hafa. Keshe umwe nelekelo laye, Ondjila tava i imwe aike.

Ngudu oya li po ya kula Komukulupe, komukulunhu kokaana. Omufita wavo opo e li Novahongi vavo vavali.

Okafimbo kanini ka pita po, Elinyengo linene la udika. Ovafwapo hatu tale ko, Omwififi ashike wa monika.

Omunyanyamaulu a ye ko, Elakaluhodi a eta ko: Vatatu ashike ve li ko Vakwao aveshe kave ko.

Mwa ti: "Davendji kadi yahama", Kristus Oye oshivelo Fye Ovakongo de tu vela. Vopopepi ve shi litalela Ovalipale ve shi liudila.

Onghuwo inene ya udika Ya nyengana okumweneka Ombadamutwe i likwetuwe, Omohwoshilonganghumwe.

Omapulo tae lipulwa, Omitima tai fekele Pamba ngeno a nyamukule Shaashi Ye iha hondamwa.

Oufiku wa anya okusha Ongula ya anyo okuholoka Ashike Pamba iha lunduluka, Etango laye ola pita.

Vavali navo kave ko Nomutitatu osho yo. Kape na ou a xupa ko Aveshe va ya ketulumuko.

Elongekido la ningwa (16.10.78) Onhele ya wapalekwa. - LOmwenene nali wanifwe. Ehalo laye nali longwe.

Oshivilo shinene sha ningwa Engafifi la ngudumana. Omo va dile mo va shuna mo, Ova teelega enyumuko.

Edi odi li dOSHILI Notadi ka kala DOSHILI: Mounyuni omu tu li, Kau fi eumbo loshili.

Eliko nande otu li na Oukolele owa wana Ashishe shimwe noluhepo, Nge ounyuni tau pu po.

Eumbo liwa otu li na, Ombala ya tungikikika. Eeboma kwinya kadi ko, Ombili aike i li ko.

Na fete po hano omahodi Nomanga tu li kedu eli. Nefiku ta ka holoka Tu hangwe twe mu teelega.

Eshi shiwa unene osho eshi, Ngaashi Omishangwa tadi ti: "Keshe ou ta itavele, Oku na omwenyo waalushe".

Lesha hano eendjovo odo, Nge wa tala omusholododo Waavo ve tu tetelega. Ndele kala we di diinina.

Haunyuni nau ku pangele. Oshili nai ku endife. Opo yo exulilo loye Li ka kale ELAO loye.

MOKONGO ETI- 20.06.1980, PEDIKO LEMANYA LO 16 J. Mufeti

OSHIGWANA DHIGININA OHAPU YOMWENYO

Aaniilonga amuhe, longeni shili nokutaalela omunankondo gwopombanda, opo mu kale megameno lye aluhe.

Aanasikola amuhe, kaleni mOmuwa, oshoka oye eliko lyashili, omuye mu na elago sigo okethikilo.

Aaholike nee, ndhindhlike-ni ondilo yesilohenda lyaKalunga, sho he tu hupitha momake gomutondandhi sigo onena.

Oshigwana oshiholike, dhiginina ohapu yomwenyo.

Ngoka ta kala pahapu yaKalunga, oye oku na omwenyo, nomwenyo gu li muye ogwaaluhe.

Okugwanitha ehala lyaKalunga, otashi ti; okuvulika meitaalo miinima ayihe iishona yomasiku agehe. Tseni aakriste otse aayakuli muuyuni mbuka. Osho Jesus a lombwele wo Petrus ta ti: "Litha oonzi dhandje". Eitaalo oli na okuholoka miilonga opo li kale li na omwenyo.

Simeon Alweendo

OSHIGONGI SHAAGUNDJUKA YA ELOK NUUMVO OSHA LI MONGWEDIVA

(J. Akudhenga)

"Waa na mutanda ku na ngo-mbe, waa na mpagona ku na iilya, waa na aanona ku na aantu" osho ookuku yonale ya ti.

Aagundjuka ya ELOK ya za koombinga dha ELOK, mUushi-mba, kOkavango nomOwambo oya li ya kala noshigongi shawo shokomumvo mehala lyawo lyii-gongi mOngwediva, nuumvo okuza eti 24-28 Septemba 1980.

"NE MU YA LONGE OKU-DHIGININA MBYOKA NDE YI MU LOMBWELE", pa Mat. 28: 20 (a), osho sha li oshipalanyolo shoshigongi, amatumbulo ngaka ogo wo ga kala taga uvika miipopiwa nomoondjimbo dha imbwa moshigongi.

Konyala omagongalo agehe oga li ga tumu aakalelipo yomagon-galo gawo, moka egongalo kehe lya tumu aagundjuka ye li 10. Oongeleka oomwameme nadho wo odha li dha tumu aakalelipo yadho moshigongi shika.

Engathithi lyaagundjuka tali tengenekwa 1500 lwaampono on-gula onene yeti 25 Septemba, manga yi ikutha ashike omananga pomeho, nayamwe yi ikutha ngaa omayeye gaalodhi oya tsu omikweyo omile dhi li mbali okuza kongeleka onkulu nokuuka kosaala yawo yiigongi ya yelutna omiapandela gawo, omanga "FALENI KO EVAANGELI" lya kwata komeho li li pokati komikweyo. Opwa li gwandhimbo ta dhenge gwagonga, gwefano gwefano, gwokakorasa gwokakorasa.

Oshigongi osha li sha tamekwa nelongelokalunga kaasita Hiskia Siteketa naFilippus Henok. Omuuvithi okwa li omundohotola

Tomas Shivute. A lesha Mark. 6:33-34, e ta tumbula: "Otu na Jesus note tu sile oshimpwiyu. Oye omusita omwaanawa, oshoka twaa he mu na itatu adha ethikilo lyetu". Okwa tsikile ko wo ta ti: "Otu na ongundu yaantu mOngwediva, yamwe ye ende oondjila oonde koompadhi, ihe ompumbwe yomuntu kayi na nelala lyondjila. Esiloshimpwiyu lyaJesus otali pumbiwa", osho a hulitha.

Omusita Shanghala a gandja ekundo lye osho wo ehokololo 'yoshilonga mokati kaagundjuka. Mekundo lye okwa li a lesha Josua 24:18, "Josua okwa ningi etokolo, ngame negumbo lyandje onda hala okulongela Omuwa, ngoye oto ningi etokolo uunaxe? Ninga etokolo nomwenyo gwoye ngaJosua opo u hupithwe".

Okwe eta wo omakundo ngoka ga zi kaagundjuka yokuEuropa unene yomuSoomi. A gandja ishewe omakundo ga zi kuSenegal nokwa hololele aagundjuka nkene epyatumo lyaSenegal lye egulukila aagundjuka ya ELOK, nokwa hololele aagundjuka kutya otaa vulu okutungitha okangeleka koo R1000,00, ngaashi ya li ya tokola moshigongi shawo shomumvo. 1979.

Moshigongi omwa li aaniipopiwa yi ili noyi ili, moka mokati kawo mwa li omumbisofi gwa ELOK, tate Kleopas Dumeni, okwa li e eta ekundo lye ngeyi: Okwa hololele aagundjuka kutya oshigongi shika omukadhona nenge omumati a gwanitha oomvula 18. A dhimbulutha wo aagundjuka oshituthi shomimvo 100 shokudhimbulukwa aashashwa yotango mOwambo shoka shi li popepi 1983 ye shi ilongekidhile. A hololele aagundjuka kutya eitulomo lyomwenyo olyo

oshinima sha simana, oshoka otali etele omuntu eiuvo lya yela.

Oshigongi shaagundjuka konyala oshi na omalalakano gaali ageke omanene:

- a) Okutungathana pambepo
- b) Okugongelela oshilongatumo iimaliwa

"FALENI KO EVAANGELI", olyo epandela hali kondjelwa komagongalo ndyoka lya gandja oshindji li vule omakwawo olyo hali yi nepandela ndika. Okuza 1978-1980, epandela ndika olya kala kegongalo lyaShakati. Nuumvo epandela olya yi manga mondhila li ka menekele kOlange. Olya kuthwa ko noo R2000-00.

OMUZALO GWAAGUNDJUKA
Omusita Shanghala okwa li a tseyithile aagundjuka kutya omuzalo gwawo gwa faathana guumbindja ogwa holoka kOngwediva naangoka to pumbwa okambindja otaka landwa R7,00 kehe kamwe.

Oshigongi osha li sha kala mombepo ombwanawalela, naagundjuka ayehe oya li ya kala ongaamwayinathana muKristus. Osha li sha hulithwa nelongelokalunga lyUulalelo Uuyapuki, nokonima aagundjuka oyi ihakana oolefa omolwethimbo ihaa-i endwa kwa toka.

ONGHALO YOMUNYASHA PEFIMBO LOMAUDJU.

Moshipopiwa omu omu na oitva itatu ya fimana: omunyasha, oudjuu nonghalo. Omunyasha oye exukamwoongo loshiwana shaye, ngaashi Omuwambo he shi popi kutya "Uhe na Mutanda ku na ngobe." Ounyasha ou li peedula 15-35 lwaapo. Ovanyasha va tya ngaha konyala aveshè ohava hangika komaudjuu e fike pamwe, ashike onghalo yavo momaudjuu a tya ngaha oya yooloka ngaashi naanaa vo va yooloka. Ngaashi naanaa okweenda moufiku kwa yooloka nokweenda omutenya osho yo ovanyasha vouyelele novanyasha vomulaulu momaudjuu avo ve na okukala.

Omaudjuu monghalamwenyo yomunyasha ongaashi:

- omonghalafano
- opamhepo
- opapolitika
- opamaxupilo

Omaudjuu omaludi ngashi a tumbulwa metetekelo otaa dulu okulundulula noupu onghalo

yomunyasha nomunyasha a tya ngaha otashi dulika a kale a djaalela, anyika oufiye, a tumba oshinyenu a nyika oluhodi ndee otashi dulika yo a kale a nyakukwa note limememsha.

Omaudjuu omonghalafano pokati komunyasha nomudali otaa etwa kokuhe na elineeke- 'o, oukolwe, oukodi nosho tuu. Kokuhe na elineekelo omudali ita mono omunyasha ha ningi sha shiwa. Oshinima sha tya ngaha otashi tula omunyasha momalimbililo nomomalipulo mahapu notashi mu tula yo inonghalo youpongo. Omunyasha nge iha mono omhito yukukala novanyasha vakwao ita shiiva kutya oshiponga shounyasha otashi holoka note shi henuka ngahelipi. Ota dulu okukwata omundiilo shaashi ina shiiva oupyu wao. Oukodi yo oshiponga shinene paife nomefimbo tali ya. Yoolola nee oukodi nepashukilo.

Oudjuu wonghalafano pokati kovanyasha ohau etwa unene komalunduluko nokomatungo diladilo onghalamwenyo yokomesho. Omunyasha luhapu ota diladila okufiya po epipi lounyasha. Mokudiladila ou ve na okuya naye metokolo lokufiyapo ounyasha otashi dulika shi mu etele oudjuu noi ta wanifa vali oilonga yaye. Omunyasha okakadona sha a ningi eedula 23-25 ye ota hovele okulimbililwa nge konhu yambulavo ina ku popifwa natango. Oohai-kwata vamwe sha tuu va umbu ko oikuti itatu lwaapo nde aishè oya wila pedu, nena ota ningi ashike nokafifi okohengo nepuka okomunghongo, ke na vali ondjoollola. Paife oku li nee monghalo idjuu ya nyika epiyaano nedundakano.

Onghalo yokuhe na oimaliwa noidjalomwa otai nghundipaleke onghalo yomunyasha. Ota mu teya yo omukumo wokwoongala pamwe novanyasha vakwao. Elinyengo nehoolokepo laye otali kala ashike la fa lomunhu e na eedula di dule 50.

Molwaashi satana omunyasha alushe oku li pamwe novanyasha opo a nghundipaleke onghalo yavo yopamhepo. Satana okwa hala oku li likolela oshiwana shihapu onghee ota keraabala oku shi te ya ombuda opo shi ha dule vali okulinyenga ohe shi ningi nee ta pitile movanyasha ovo ve li exukamwoongo loshiwana. Omayeleko a tya ngaha ohaa tula ovanyasha vahapu monghalo ya nyika outalala shaashi inava nongela kutya ota e ya mowashike.

Tala kep. 8



Aagundjuka ye li momukweyo okuza kongeleka nokuuka koshinyanga shiigongi.

NAMIBIA NENA (Etsikilo)

Okuulika kutya yo oyo tayi popilwa kaantu oyendji moshilongo, oDTA olwindji ohayi ulike kesindano lyawo mehogololo lyomumvo 1978. Kakele kaashoka kutya oDTA, itayi ka mona we epopilo lya fa ndyoka lyomomumvo 1978, momumvo 1980 molwaashoka mokupita kwethimbo oongundu ndhoka dha hala, iinima yi ende-leko kashona nakashona ngashingeyi odhi li koshikwena sha hula, nopwa na ompumbwe ya sha okuludhika ukwashili nuuyuuki wehogololo lyomomumvo 1978 ndyoka tali pendutha omalimbililo ogendji, inashi dhimbiwa nande kutya momumvo 1978, aantu ayehe yomuNamibia oya li ya mono lwotango ongoshigwana shimwe ompito yokuhogolola nokuholola ewi lyawo. Ehogololo ndika olya li euliko kutya National Party, inayi halika nokatongotongo inaka halika. Kapwa li pu na ompito yilwe, molwaasho oongundumpilameno ngaashi NNF na unene SWAPO (Nuuyoma) kadhali mo mehogololo. oDTA oya li ya hogololwa ongongundu ontialyali yi shi ku talwa.

Naanaa ngaashi oshizimo she shi ulike, ehogololo ndiyaka olya li euliko enene kutya omulandu gwopapolotika ngoka gwa kala po, o-gwe ekelwahi, "National Party" ngaashi yi lilwe po kuAKTUR oye ekelwahi.

Okuza kesiku ndyoka omategameno ngoka ga li ga penduthwa kehogololo ndiyaka inaga yamukulwa natango nosha yela kutya itaga ka yamukulwa wo komahogololo gopamihoko ngoka ga fanekwa ga ka kale ko pehulilo lyomumvo nguka.

Ehogololo ndyoka lya fane-kwa, moka omihoko adhihe dhomuNamibia tadhi ka mona ompito yokuhogolola ongundu yimwe esiku limwe, oli li oshikatekiinimaa. Itali eta nando iiyimati mbyoka ya tegelelwa, ihe otali ka taneka ashike uudhigu wopapolotika. Shoka sha pumbiwa osho onkatu yopapolotika tayi mangele kumwe, hashilonga shokutopagula.

Ehogololo lyopamuhoko lya tya ngaaka itali vulu nando okupingena ehogololo lyaayehe lyopashigwana moshilongo ashike nenge ando li kale oshiyekitho shokuulika kutya oongundu dhontumba, dhopapolotika otadhi popilwa mokati komuhoko gwontumba, omanga pe na oongundumpilameno ndhoka dha simana kaadhi mo mehogololo.



Omundohotola Töttemeyer

Sho omolwomakankameno gadho gopapolotika, oongundu dha tya ngaaka itadhi ki itula mo nando mehogololo lyopamuhoko. Ngele omahogololo gopamihoko okuhogolola omapangelo gopankatu ontialyali oga ka ningwa shili, ondunge yoshinima shika papolotika shaashi otayi limbilike noonkondo, hamolwaasho ashike tashi ka eta po omukundu omunene painternational, ihe omolwaashoka noshilonga shongundu onene nenge ehanganano lyoongundu ndhoka tadhi ka sindana mehogololo ndyoka, otali ka kala lya ngambekwa nolyopakathimbo kowala.

Hugunina ongundu nenge ehanganano lyoongundu dha tya ngaaka otali ka futa ofuto onenenene tayi vulika yopapolotika ndjoka yokuka ekelwahi thiluthilu molweendo lwiinima yopapolotika monakuyiwa.

Oshinima shika shokweekelwahi otashi vulu ngiika okukatekwa, unene ngele taku ningwa oonkambadhala dhasha dhaa fele dhokuhe-

peka ethimbo, onkene tuu eyekelohi lyolyene lyolela ongoshilongitho shomupondo papolotika momulandu gwopapolotika ngoka tagu ke ya po mehogololo ndyoka li na okuningwa, metonatele lyiligwanahanganano oli li oshinima shaa shi ku yandwa.

Muzorewa nongundu ye naye wo okwa li e na okutamba eshundulo ndika enene nando ye ka li nokuli a ningi ehogololo lyopamuhoko. Okwa li ashike a zimine okulongelakumwe nalan Smith nongundu ye. Ongundu one ne yaaluudhe yomuRhodesia oya li ye ekelehi oshinima sha tya ngaaka. Aaluudhe yomuNamibia otaye ki ihumbata mbela nomukalo gwi ili mehogololo ndyoka li li metonatele lyiigwana yuuyuni?

Aawiliki yopolotika Aaluudhe naalanduli yawo otaa tala nokutongolola nokukonakona iilonga yaatiligane, eihumbato lyawo neitulumo lyawo, molweendo lwa-Namibia okuuka memanguluko. Oshilonga nonkalo yaatiligane moNamibia lya manguluka kape na malimbililo otashi ka uthwa kwaashoka taa ningi ngashingeyi. Kape na malimbililo mokati kaaluudhe omu na nale omalimbililo kombinga yeinekelo okwiinekela aatiligane methimbo ndika tayi ende yu uka kemanguluko. Ashike elongelokumwe naatiligane natango olya pumbiwa nolya halika.

OMOLWASHIKE SWAPO TA SINDANA MEHOGOLOLO

Ope na omadhengo gomitoto ogendji mekwatathano nuunen woongundu dhopolitika dhi ili nodhi ili nomahanganongundu, nepopilo lyadho patenge-neko nenge pashili muNamibia. Eyamukulo lyomondjila lya shiga ko otali vulu ashike okumonika mehogololo li li metonatele lyiligwana yuuyuni.

Onkene tuu natango otashi vulika okuninga endjandjukununo nokundhindhilika sha muyelele womainyengo nowiiningwanima yontumba yomasiku ga piti.

Aanongononi yiinima yopapolitika naawiliki yamwe oye li po ya hala okwiitaala kutya SWAPO (Nuuyoma) ke na mpito yasha yokusindana mehogololo tali tonatelwa kligwana yuuyuni nokumona iipundi ya gwana lela okupangela kuye mwene. Oshu ukila ko lela okwiitaala kutya otashi vulika shi ningwe. Omatompelo ogendji otaga vulu okugandjwa okukoleka eitaa-lo ndika.

— Osha tumbulwa nale moshinyolwa shandje shotango kutya oDTA noongundu oonkwawo dhilwe moshigongi shOshigwana inadhi eta po sha (mwaashoka shu uvane-kwa). Pethimbo tuu ndyoka limwe, Namibia okwa nethwa mo kiiningwanima yomuZimbabwe.

— Mehogololo ndyoka li li metonatele lyiigwana yuuyuni, SWAPO (Nuuyoma) otaka vula lela okulongitha omukalo ngoka gwa li gwa longithwa koPatriotic Front muZimbabwe, nokupopya nomungundo kutya muNamibia itamu ke ya ombili omanga SWAPO (N) kee mo moshinima shemanopo lyomukundu.

— Niitya yilwe, okuhogolola SWAPO (N) okuhogolola ombili, onkee osho okuhulitha po iita. Naashika osho naanaa aantu yomuNamibia ya pumbwa unene noonkondo.

— Oshili yoyene yoshinima oyi li mpoka kutya omukundu gwaNamibia itagu vulu okumanwa po manga SWAPO inaa yalulilwa mo. Oshili ndjika yoshinima shika oyi li po tayi uviwa ko nokutaambwa ko kaawiliki yopolitika aaluudhe.

— Pethimbo ndika kape na nando ongundu yimwe yopolitika nenge eimangokumwe lyoongundu muNamibia ndyoka tali vulu okusinda SWAPO (N) kulyo lyene mehogololo tali tonatelwa kligwana yuuyuni.

— Opwa li pwe etwa omadhiladhilo kutya oongundu adhihe dhopolitika pondje yaSWAPO (N) nadhi imange kumwe opo dhi mu kondjithe. Shika kashi na esiku nashi ka ningwe. Kakele kaashoka kutya oDTA noNNF itaa vulu okwiimanga kumwe omolwomatompelo gopamakankameno nagalwe, osho wo oDTA oyi na uudhigu okwiimanga kumwe naAKTUR.

Tala kep. 8

AMUSHANGA TA PUMBIWA

Osekundoskola yOkahao oya pumbwa amushanga ngoka taka langekwa andola 1 Januari 1981.

Omuningi gweindii0 na kale:

E na onzapo yostanda 8 nenge yostanda 6 nuulongi

E shi okutopatopa

E shi omalaka gopambelewa (Oshimbulu nOshingilisa).

Omwinekelwa nomudhiginini

Ombapila yegongalo tayi pumbiwa wo.

Omaindilo agehe naga kale ga thika manga 31 Desemba 1980 inagali pita. Naga tuminwe ihe kondjukithi ndjika:

Die Hoof

Ongandjera Sekondère Skool

Privaatsak x501

Ongandjera 9000

NAMIBIA NENA

Dha za kep.7

- SWAPO-D, mewiliko lyAndreas Shipanga, ina mona nande epopilo maantu ngashi sha li sha tegelelwa, noku li po ta pwinine omolwomatopauko nomaikuthe mo giilyo ye nomalimbililo mokati kaantu. Oshinima shika osho opalela noonkondo SWAPO (N) mewiliko lyasem Nuuyoma.
- Nuuyoma otashi vulika te etitha ehilathano, ihe nando ongaaka ye pamwe na Herman Toivo jaToivo, okwa ninga endhindhiliko lyekondjelomanguluko. Epi pi egundjuka lyaapopili yo-SWAPO olye mu taamba ongomuwiliki, manga ayehe yaali, Nuuyoma najaToivo oya talwa nesimaneko li thike pamwe mokati kepipi ekuluntu lyililyo yaSWAPO mboka ya tseye notaa dhimbulukwa natango jaToivo ye mwene.
- Ehangano ekwawo, oNNF., olya topoka moongundu pethimbo lyoonkambadhala ndhoka dha ningwa po oku-tota po ongundu yimwe ayike. Oongundu mbali dhomuhamano ndhoka dha li ililyo ya NNF kwa li, ano National Independence Party nongundu yokoRaipota mewiliko lyomusamane De Klerk, odhi ikutha mo mu NNF notashi vulika dhi tote po ongundu ompe ngiika otayi ka kutha omakankameno ge li pokati kaangoka go NNF onkulu na SWAPO (N) notayi ka tameka oonkunda-thana pamwe no SWAPO (N).
- Ongundu ompe ya tya ngaa-ka otayi vulu okugongela monduda yayo uungundu umwe uushona, mboka sigo ompaka inaa hogolola natango mpoka tau gama. Uungundu mbuka owa lesa nawa omandhindhiliko gethimbo mondjila nowa koneka kutya SWAPO (N) oye ongundu ndjoka yi shi shili okutalwa nawa, ihe sigo oompaka ondjila inayi ya yelela natango okuhangana thilu naye — shoka itashi ti nande komeho itashi vulika ya ka hangane na SWAPO (Nuuyoma).
- Nokuli otashi vulika naanaa oNNF onkulu noongundu dhayo ne, ano SWANU, Damara Council, Aambanderu nokampaga okashona kAakwena ya ka ye wo moonkundathana na SWAPO (N).
- Ngashingeyi ope na etegameno eshona lyowala onkundathana dha tya ngaa-ka dhi adhe ethikilo lyadho. Iipunci yokomeho mo NNF onkulu ndjoka ngiika tayi ka ninga mbala NNF ompe notayi lunduluka okuza mehwata lyoongundu yi ninge ongundu yimwe ayike, oyi li po yi idhengelwa kaantu aakulu yo SWANU.
- Okuza 1959 opwa ningwa oonkambadhala dhi ili nodhi ili okuhanganitha oongundu mbali onkululela dhopolitika dhomuNamibia, SWANU na SWAPO. Oonkambadhala ndhika adhihe odha ponyo. Oongundu ndhika mbali okuza kedhiko lyadho odha kala tadhi popi kehe yimwe kutya oyo omukalelipo gwasihili gwaantu ayehe moshilongo.

(Taku tsikilwa)

TSEYA OONDJODHI DHOYE

Olungapi wa papudhuka mondjodhi nokwiipula shoka tayi ti? Aashona yomutse ya ndhindhilika kutya oondjodhi odha simana komutima gu na ukolele ngashi naanaa iikulya kolutu lu na ukolele. Mondjokonona ayihe yomuntu omwa kala oshinima shika shokuyaguma. Omuntu okwa kala onzapo yiiningwanimayoomilyona odhindji mbyoka ya fa owala iinyandwa. Pomathimbo gamwe omudhani nopusgamwe omupulakeni; omuntu okwa mono uumbanda, iiholekwa, oonkondo nenyanyu.

Ngashi tu li hatu yaguma oshowo tu li hatu kambadhala okukonakona oondjodhi dhetu. Molwashoka okuyaguma oshinimashi ningwa olwindji noshopanshitwe ngashi naanaa okukotha, aantu oyendji kaye na ethimbo owiilonga sha koshinima shika shokuyaguma. Ondjodhi otayi vulu okufatululwa kutya oyo omamoniko giifundja nenge okumona iinima kaayi ko.

Sybil Leek ngoka i ilonga kombinga yuunganga nontseyomwenyo okwa fatulula oondjodhi dhimwe ngashi: okuyaguma kombanda yomafuta otashi ti oto ka lundulula iilonga yoye.

Ngele owa yaguma ondhila nena otashi ti elago wa li inoo li tegelela. Obanana otashi vulika otayi holola kutya oto ka kala nokwaaavathana nomunandjokana gwoye. Etalelepo lyombadhidhilila lyakuume koye otali tetekelwa kokuyaguma oombaka. (oondhila). Osha yela omafatululo ngaka haaluhe goshili moompito adhihe. Oondjodhi olwindji odhi na ekwatathano nepitathimbo.

Pamwe oku na mboka yi itula mo mokutseya omukalo omupu gwokunyola oondjodhi dhawo.

Ngele wa penduka, ino tonata mbalambala. Kambadhala okushuna konima nokutala shoka to dhimbulukwa. Tonata ihe nde to nyola ayihe mbyoka to dhimbukwa. Ipula mwene shoka to dhiladhila ondjodhi ndjoka tayi ti nongele ope na sha shoka sha ningilwe esiku lya pita shi na ekwatathano nondjodhi ndjoka. Mokuninga ngeyi oto vulu okukala nehokololo lyoondjodhi dho-ye nokutala ngele ope na ompatolona yasha.

Poompito dhimwe oondjodhi ohadhi hunganeke onakuyiwa. Kape na nduno mbudhi ondjodhi otayi hunganeke shike, otatu tsikile okuyaguma oshowo okukonakona shoka tashi ti, ngiika itatu ka thika nokuli mefatululo lyolela.

OMUNYASHA NOMAUDJUJ

Dha za kep. 6

Vamwe ohava tokola tava ti kutya inga va xuxumukwa ngee va kulupa. Ina va shiiva kutya satana ke li dule nomupofi, yo yomupofi ohai papamene peke, yo shimbi ya papamene peke, ota ningi ashike shomedimo oshipunduka namwene. Walye nee ngee ono ka mona nga vali omhito u oje mo u ka xuxumukwe.

Ovanyasha, opo tu kale twa pupalelwa notu dule okufindana monghalo ei yomaudjuu otu na ondjila imwe oyo tu na oku-ancula, ondjila oyo ya finda kooShimutwikeni, 1Perus 5:7.

Ngenge she tu hange ombaadhilila otwa teelelwa tu dengele ongodi keumbo laye opo e tu kwafe. Otu na omapenda amwe mOmbibeli oo tu shii okushikula meenghatu dao ngaashi: ovalumenhu vatatu meoiko lomundilo, Daniel mekololo leenghoshi naJosef mooPotfar.

Omuyapostoli Paulus okwa ti oinima aishe eshi ei shaameka naKristus okwe itala oimbodi yongaho. Otwa wana okutya nomukumo: "Ame onde linekela Kalunga, itandi tila sha ovanhu otava ningi nge shike?"

T. Nakwafila

OMUKWETU

Oye oshifo shOngeleka Onkwaevangeli paLuther yomOwambokawango.

Ohe nyanyangidhwa mOshinyanyangidho shOngeleka mOnIipa.

Omukuluntu gwoshifo omumbisofi dr. Kleopas Dumeni.

Ondando yOmukwetu komumvo muAfrika R 2-60, kombanda yomafuta R 5-00.

Omambesitelo pamwe noondando naga tumwe kOmukwetu OnIipa, P/B. 2013 Ondangwa 9000

EV. LUTH. OWAMBOKAVANGO CHURCH PRESS ONIIPA P/BAG 2013 ONDANGWA 9000